

浮名浮利意何深用盡機關使破心但爲兒孫千載計不防骸
骨土相侵

逐境

目前滾滾蕩黃塵大化推移刻刻新生死窟中人不覺捨身惟
與利名親

名利

僕馬車舟歷險艱區區名利兩相關細思本欲圖安穩卻使身
心不暫閒

客至

或聞車從叩柴荆百衲旋披勉強迎自料無錢置村釀一甌春

道藏輯要

雲山集

卷

歸集六

雪淡交情

靜度

洞房無鎖未嘗扃碧落寥寥月滿庭千古雲和絃不續夜寒流
水響泠泠

蛻塵

蛻塵蛻法蛻諸緣不說丹成上九天妄自不存真不立更無言
說到重玄

不知

千差萬異莫能齊跳出拘虛到不知卻向箇中分變態堆山積
嶽總無爲